



UNIVERSITÄTS-  
BIBLIOTHEK  
PADERBORN

## **De Congregationibus Clericorum In Communi Viventium**

**Le Mire, Aubert**

**Coloniæ Agrippinæ, 1632**

Cap. II. Congregatio clericorum regularium, qui post theatini sunt nuncupati, à Ioanne Petra Carasa, tunc Episcopo Theatino, post Paulo IV. Pontifice Maximo anno 1524. confirmatur.

---

[urn:nbn:de:hbz:466:1-64608](https://nbn-resolving.org/urn:nbn:de:hbz:466:1-64608)

CAPVT II.

CONGREGATIO CLERICORVM  
regularium, qui post Theatini sunt nuncupati,  
à Ioanne Petro Carafa, tunc Episcopo Thea-  
tino, post Paulo IV. Pontifice Maximo, insti-  
tuta, per Clementem VII. Papam anno 1524.  
confirmatum.

CLEMENS Papa VII. venerabili fratri  
IOANNI PETRO, Episcopo Thea-  
tino, & dilecto filio CAIETANO,  
presbytero Vicentino, ac eorum socijs, &  
successoribus. Exponi nobis nuper fecistis,  
quod vos, & nonnulli alij eiusdem propo-  
siti, socij vestri, diuina, vt creditur, inspira-  
tione ducti, cupientes cum maiori animi  
quiete, Deo seruire, & illi magis pio desi-  
derio adhærere posse, tria substantialia re-  
ligiosæ vitæ, paupertatis scilicet, castitatis,  
& obedientiæ vota emittere, & sub solito  
ac communi habitu clericali in vnum ha-  
bitantes, & in communi viuentes, ac Deo  
humiliter, & deuotè, quantum ipse dede-  
rit, seruientes, sub nostra, & Apostolicæ se-  
dis humili & immediata subiectione, &  
speciali protectione, clericalem vitam du-  
cere decreuistis, supplicarique nobis feci-  
stis, vt de nostræ, atque huius S. Sedis Apo-  
stolicæ plenitudine potestatis, solitaq; cle-  
mentia,

A 5 mentia,

mentia, in præmissis benignè annuentes, de eis, quæ ad huius vitæ propositum conducere, aut quomodolibet expedire videtur, vobis socijs, successoribusque vestris providere dignaremur.

Nos, qui omnium Christi fidelium pijs, & honestis desiderijs libenter annuimus, vestrum in hac parte laudabile desiderium, plurimum in Domino commendantes, vestrisque huiusmodi supplicationibus inclinati, vobis, & cuilibet vestrum, vt quando-cunq; visum fuerit, possitis tria substantialia religiosæ vitæ vt petitis, paupertatis, castitatis, & obedientiæ vota publicè emittere & in manibus cuiuscunque presbyteri secularis, vel cuiusvis ordinis regularis, solè-niter profiteri, ac sub solito & communi habitu clericali, subque nomine & nuncupatione *Clericorum regularium*, in communi ac de communi viuètes, in locis religiosis, aut secularibus, prout vobis ab illis, quorû loca ipsa fuerint, concessum fuerit, seu expedire videbitur, sub nostra & S. huius Sedis Apostolicæ immediata subiectione & speciali protectione, in vnum habitare.

Atque ex vobis, inter vos singulis annis Superiorem eligere, *Prepositum* nuncupandum, qui vsque ad triennium, & nos ultra non firmari possit.

Aliosque quoscunq; seculares clericos,  
qua-

quauis dignitate fulgentes, seu Laicos, qui, Deo inspirante, ad huiusmodi vitæ propositæ, & communem viuendi modum sese conferre voluerint, recipere, & post annuâ probationem, ad talem trium votorû professionem in manibus Superioris, seu Præpositi emittendam, & ad huiusmodi communem viuendi modum admittere.

Nec nō statuta quæcunq; ordinationes & constitutiones de omnibus & singulis, quæ ad huiusmodi vitæ propositû conducere, moresq; & institutum honestæ & deuotè clericaliter viuendi concernere videbuntur, de Missis præcipuè, & alijs diuinis officijs, seu horis canonicis, prout vobis melius videbitur, celebrandis, & recitandis, licita tamen & honesta, rationabilia, & bonis moribus & sacris canonibus nō cōtraria, facere, edere, & pro tēpore facta, edita corrigere, reformare, vel in parte, vel in totum immutare, ac de nouo alia, prout vobis expedire videbitur, instituere, & ordinare, ac iuxta illa viuere. Quæ postquam à vobis condita, edita, reformata, instituta, aut immutata, & ordinata, ac nobis, seu successoribus nostris exhibita fuerint Apostolica auctoritate approbata, & confirmata sint, & esse censeantur.

Et vt omnibus, & singulis priuilegijs, exemptionibus, immunitatibus, indulgentijs, facul-

facultatibus, libertatibus, auctoritatibus, indulgentiis, favoribus, concessionibus, & gratiis, Spiritualibus & temporalibus, quibus potiuntur, & gaudent, ac in futurum potentur & gaudebunt. *Canonici regulares Lateranensis Congregationis*; personarum & loca eorum, vos, personarum, & loca vestra, uti, potiri, & gaudere possitis. Quorum tenores presentibus pro sufficienter expressis, & de verbo ad verbum insertis haberi volumus, ita ut litterarum Apostolicarum super eisdem privilegiis, exemptionibus, immunitatibus, concessionibus, & gratiis, eisdem concessis, vel pro tempore concedendis, mutatis duntaxat nominibus, cognominibus, & invocationibus & diebus, ad libitum vestrum expediri possint, perinde ac si illa omnia & singula, non solum per clausulas generales, sed per eorum tenorem de verbo ad verbum expressionem & insertionem, fuissent vobis per has nostras litteras, sub hac ipsa die, expressè & specialiter concessa, tenore presentium, ex certa nostra scientia, & ex Apostolicarum plenitudine potestatis, vobis ac sociis, & successoribus vestris, in perpetuum concedimus pariter, & indulgemus, & ad praemissa omnia, & singula quibuscunque impedimentis, & contradictionibus amotis, liberam plenamque auctoritatem, & facultatem largimur.

Non

Non obstantibus nomine, dignitate, & officio Episcopali, quæ IOANNI PETRO supradicto per alias nostras litteras reseruauimus, Apostolicisque aut alijs generalibus, aut specialibus constitutionibus, ordinationibus, etiam iuramento, aut alia quauis firmitate roboratis, etiam si quæ specialiter, seu de verbo ad verbum exprimenda essent, quæ pro expressis haberi, & quibus, quo ad effectum præsentium duntaxat, specialiter, & expressè derogamus, alijsque contrarijs non obstantibus quibuscunque.

Datum Romæ apud S. Petrum, sub annulo Piscatoris, die 24. Iunij 1524. Pontificatus nostri anno primo.

1524.

NOTATIO.

**I**oannes Petrus Carafa anno 1476. nobilissimo genere natus, primum aula Pontificia Cubicularius, post Theatinus in regno Neapolitana Episcopus, ac demum Paulus IV. Pontifex Maximus, anno 1560. decessit. Is Theatinus Episcopus tum esset, cum Caietano Thieneo, Bonifacio à Colle, & Paulo Consiliario Ordinem Clericorum regularium 1524. instituit. Horum quattuor Vitas Antonius Caracciolus, eiusdem Congregationis regularis, scripsit, & Colonia anno 1612. publicauit.

CA.